



Amt für Kultur
Uffizi da cultura
Ufficio della cultura

Agiunta Museum da la natira dal Grischun

Registraziun digitala da collecziuns ed elavuraziun d'in catalog online

En il rom dal punct central da svilup è vegnidas generadas en il museum da la natira dal Grischun stgars 10 000 unitads da datas, ed in catalog online è vegnì connectà.

Il museum da la natira dal Grischun dat tetg a collecziuns da plantas, d'animals, da fossils, da minerals e da crappa. Quest inventari cumpiglia approximativamain 300 000 fin 500 000 objects, repartids sin 180 collecziuns singulas.

L'onn 2012 èn ils objects da las collecziuns vegnids registrads digitalmain per l'emprima giada. La documentaziun electronica facilitescha per l'ina da chattar objects specifics a maun da criteris per la tschertga e pussibilitescha per l'autra da communitgar cun terzas personas (auters museums, instituziuns da perscrutaziun, scienziadas e scenziads e.u.v.), p.ex. sch'i dat dumondas pertutgant objects da collecziuns.

Il punct central da svilup ha permess d'accelerar fermamain cun la documentaziun electronica dals objects da collecziuns. Uschia han ins pudì registrar tut ils preparats empagliads e tut ils fols da la collecziun d'utschels e da mammals, tut ils preparats umids da la collecziun da peschs, d'amfibis e da reptils sco er ulteriurs objects (preparats en alcohol, mumias, gnies, ovs e pennas). Tut en tut èn vegnidas generadas – en il rom dal punct central da svilup – 9995 inscripziuns da datas novas davart objects da collecziuns. Stgars 400 montaschas d'utschels èn er vegnidas documentadas fotograficamain, quai che facilitescha la gestiun da la collecziun.

Sco pass decisiv è vegnì scrit in signalament davart mintgina da las passa 180 collecziuns resp. parts da collecziuns, che cumpiglia indicaziuns davart il cuntegn, davart la structura e davart il stadi e la documentaziun. Questas uschenumnadas metadatas èn vegnidas rendidas accessiblas da nov sur la pagina d'internet dal museum da la natira dal Grischun sco catalog online, uschia che ussa po mintgina e mintgin s'infurmar davart las collecziuns e sch'i fa da basegn far dumondas davart tscherts inventaris da las collecziuns resp. davart tscherts objects.

Infurmaziuns:

Ueli Rehsteiner, directur dal museum da la natira dal Grischun, tel. 081 257 28 41, e-mail Ueli.Rehsteiner@bnm.gr.ch

Gremi: museum da la natira dal Grischun
Funtauna: rg museum da la natira dal Grischun